

Aldizkakoak ez diren Basauriko Udalaren gizarte-laguntzak 2026: Deialdia

Deialdi hau argitaratzen da Basauriko Udalaren Dirulaguntzen Ordenantza Orokorren babesean, zeina deialdiaren oinarri arautzailea baita. Ordenantza hori 2024ko maiatzaren 30eko osoko bilkuran onetsi, eta 2024ko abuztuaren 6ko Bizkaiko Aldizkari Ofizialean argitaratu zen.

2008ko abenduaren 5eko 12/2008 Legearen xedea da EAEn eremuan gizarte-prestazio eta -zerbitzuak jasotzeko eskubidea sustatu eta bermatzea, eta, horretarako, Gizarte Zerbitzuen Euskal Sistema unibertsala arautu eta antolatzea.

Lege horretako 6. artikuluan, Gizarte Zerbitzuen Euskal Sistemaren (GZES) helburua ezartzen da. Hona hemen:

- a) Norberaren autonomia bultzatzea, eta mendekotasunetik eratorritako beharrian pertsonal eta familiarrak prebenitu eta artatzea.
- b) Babesgabezia-egoerek eragindako beharrianak prebenitu eta artatzea.
- c) Bazterkeria-egoerak prebenitu eta artatzea; eta norbanako, familia eta taldeen gizarteratzea bultzatzea.
- d) Larrialdi-egoerek eragindako behar pertsonal eta familiarrak prebenitu eta artatzea.

16. artikuluan GZESaren prestazio ekonomikoak definitzen dira. Eta 22.3 artikuluan, prestazio ekonomikoak kategorietan sailkatzen dira. Besteak beste, 3.5 prestazioak aipatu behar dira, alegia, GZESaren berezko helburuen esparruan ezar daitezkeen prestazio ekonomikoak. Oinarri hauetan araututako laguntzak kategoria horretan sailkatzen dira.

1. artikulua. Xedea eta definizioa.

Deialdi hauen helburua da arautzea zuzeneko eta ezohiko laguntzak ematea, eta, horren bidez, bazterkeria-egoerak prebenitu eta artatzea, eta pertsonen zein familien gizarteratzea sustatzea, Dirulaguntzen azaroaren 17ko 38/2003 Lege Orokorren 22.2 c) eta 28.3 artikuluetan aurreikusitakoarekin bat.

Udal laguntza hauek izaera ekonomikoko prestazioak dira. Beren helburua da gastu espezifiko ezohikoei aurre egiteko behar besteko baliabiderik ez duten basauriarrei laguntza ematea, eta, modu horretan, gizarte-bazterkeria egoerak prebenitzea, ekiditea edo arintzea.

Era berean, laguntzok helburu jakin baterako ematen dira, eta, beraz, eman diren xede horretarako erabili beharko dira, bakar-bakarrik.

Bestalde, ematen diren urte naturalean sortutako beharrezanean aurre egitera bideratuko dira. Izaera subsidiarioa eta, hala badagokio, osagarria dute, indarreko legerian aurreikusitako mota guztietako gizarte-prestazio eta baliabideei dagokienez.

Udal laguntza hauek emateko, nahitaezkoa izango da gizarte-langileak balorazio profesionala egitea —alegia, beharrezan hasierako balorazioa egitea, gizarte-bazterkeria egoerak baloratzeari buruzko indarreko legerian oinarrituta—.

2artikulua. Onuradunak: baldintzak eta betebeharrak.

Baldintza orokorrak

Aldizkakoak ez diren udal laguntzak jaso ahalko dituzte honako baldintza orokor hauek betetzen dituztenak:

- a) Gizarte-langile arduradunarekin adostutako arreta pertsonalizatuko plan batean parte hartzea. Gizarte-langileak txostena egingo du, eta txosten horrek arduradun teknikoaren oniritzia jaso beharko du. Prestazio honen izapidetzea, berez, ezarritako gizarteratze-prozesuaren barruko jarduera bat izango da.
- b) Adin nagusikoa izatea (adin txikikoak beren kargura dituzten adin txikikoen kasuan izan ezik).
- c) Kontzeptu bakoitzerako zehaztutako diru-sarrerak eta ondarea ez edukitzea.
- d) Laguntzaren kontzeptu bakoitzerako eskatutako baldintza espezifikoak betetzea.

Betebeharrak

Honako hauek izango dira aldizkakoak ez diren udal laguntzak jasotzen dituztenen betebeharrak:

- a) Jasotako prestazioak erabiltzea emanak izan diren xederako.
- b) Jasotako laguntzak justifikatzea, elikadura-gastuak izan ezik (horietan ez da gastu-ziurtagiririk eskatuko).
- c) Jasotzaileak bere gizarte-langileari jakinaraztea, berehala, prestazioak jasotzea ahalbidetu zuten baldintzen gaineko edozein aldaketa. Zehazkiago, honako hauei dagokienez:
 - Aldaketak bizikidetzako unitatean
 - Aldaketak ohiko bizilekuaren gainean
 - Aldaketak prestazioaren zenbatekoa kalkulatzeko aintzat hartutako diru-sarrera eta/edo ondarean.
- d) Akatsen bat dela eta eskuratutako, edo behar baino kopuru handiagoan emandako kopuruak itzultzea.
- e) Gizarte Zerbitzuetara etortzea, eta haiekin batera lan egitea, hala eskatuz gero.
- f) Gizarte-langilearekin adostutako arreta pertsonalizatuko plana betetzea.

3. artikulua. Laguntza motak, zenbatekoak eta horietako bakoitza eskuratzeko baldintzak.

3.1. Ohiko bizilekuari lotutako beharrezanetarako laguntzak.

Baldintza orokorrak:

- Behar besteko diru-sarrerarik ez izatea; alegia, urteko diru-sarrerak ez izatea DSBEaren zenbatekoa baino bi aldiz handiagoak (oro har, aurreko urteko zenbatekoa aintzat hartuta eta, betiere, bizikidetzako unitateko kideen kopuruaren arabera).

- DSBerako ezarritako ondare-mugaren 1/3 baino ondare handiagoa ez izatea (oro har, aurreko urteko zenbatekoa aintzat hartuta eta, betiere, bizikidetzako unitateko kideen kopuruaren arabera).

3.1.1. Ostatu-gastuetarako laguntzak.

Laguntza horiek honako hauetarako dira:

1. Ohiko bizilekua utzi behar dutenei presaz eta aldi batez ostatu emateko beharrezko gastuetarako.
2. Etxegabetzeak ekidin eta/edo geldiarazteko gastuetarako.
3. Etxebizitza edo ostatua lortzeko gastuetarako.
4. Ohiko bizilekuan errentamendua edo ostatua bermatzeko gastuetarako.

Baldintza espezifikoak:

- Basaurin erroldatuta egotea eskabidea baino 6 hilabete lehenagotik, gutxienez.
Salbuespenak:
 - a) Adin txikikoak beren ardurapean dituzten familiak.
 - b) Emakume haurdunak.
 - c) Indarkeria matxistaren biktima diren emakumeak.
 - d) Bazterkeria-arrisku larrian daudenak.

Kasu horietan, 3 hilabeteko erroldatzea eskatuko da bakarrik.

Zenbatekoak:

Gehienez ere, 2.640 euro emango dira. Azpierrentamendu- edo ostatu-gastuen kasuan, ordea, 1.320 euro emango dira.

3.1.2. Argindarrerako, eta etxebizitzaren mantentze-lanetarako eta zaintza-lanetarako laguntzak.

Energia-gastuetarako, konponketetarako, etxetresna elektrikoetarako, energia-gastuengatikozorretarako eta etxebizitzan mantentze-lanak egiteko laguntzak dira.

Baldintza espezifikoak:

- Basaurin erroldatuta egotea eskabidea baino 1 urtebete lehenagotik, gutxienez.
Salbuespenak:
 - a) Adin txikikoak beren ardurapean dituzten familiak.
 - b) Emakume haurdunak.
 - c) Indarkeria matxistaren biktima diren emakumeak..
 - d) Bazterkeria-arrisku larrian daudenak.

Kasu horietan, 6 hilabeteko erroldatzea eskatuko da bakarrik.

Zenbatekoak:

Gehienez ere, 1.210 euro energia-gastuetarako, mantentze-lanetarako eta zorretarako; eta 1.017 euro konponketak egiteko eta etxetresna elektrikoetarako.

3.2. Sustapen pertsonalerako eta familia-sustapenerako laguntzak.

Baldintza orokorrak:

- Behar besteko diru-sarrerarik ez izatea. alegia, urteko diru-sarrerak ez izatea DSBearen zenbatekoa baino bi aldiz handiagoak (oro har, aurreko urteko zenbatekoa aintzat hartuta eta, betiere, bizikidetzako unitateko kideen kopuruaren arabera).
- DSBerako ezarritako ondare-mugaren 1/3 baino handiagoa den ondarea ez izatea (oro har, aurreko urteko zenbatekoa aintzat hartuta eta, betiere, bizikidetzako unitateko kideen kopuruaren arabera).

3.2.1. Prestakuntza-gastuetarako laguntzak.

Erakunde publikoen laguntzarik jasotzen ez dituzten prestakuntza-prozesuen eta/edo lan-trebakuntzaren ondoriozko gastuak: matrikulak eta kuotak, garraioa, tituluen homologazioa eta abar. Baldintza espezifikoak:

- Basaurin erroldatuta egotea eskabidea baino 12 hilabete lehenagotik, gutxienez. Salbuespenak:
 - a) Adin txikikoak beren ardurapean dituzten familiak.
 - b) Emakume haurdunak.
 - c) Indarkeria matxistaren biktima diren emakumeak.
 - d) Bazterkeria-arrisku larrian daudenak.

Kasu horietan, 6 hilabeteko erroldatzea eskatuko da bakarrik.

Zenbatekoa:

Gehienez ere, 660 euro.

3.2.2. Haurtzaindegietan eskolaratzeko gastuetarako laguntzak.

Bizikidetzako unitateko adin txikikoak haurtzaindegietan edo 2 urteko geletan eskolaratzeagatik gastuei aurre egiteko laguntzak dira. Helburu dute gurasoei edo legezko tutoretza duen pertsonari lan-mundura itzultzeko erraztasunak ematea.

Baldintza espezifikoak:

Basaurin erroldatuta egotea eskabidea baino 6 hilabete lehenagotik, gutxienez. Salbuespenak:

- a) Adin txikikoak beren ardurapean dituzten familiak.
- b) Emakume haurdunak.
- c) Indarkeria matxistaren biktima diren emakumeak.
- d) Bazterkeria-arrisku larrian daudenak.

Kasu horietan, 3 hilabeteko erroldatzea eskatuko da bakarrik.

Zenbatekoa:

Gehienez, 1.485 euro, adin txikiko bakoitzeko.

3.2.3. Bizikidetzako unitateko adin txikikoen jardueren ondoriozko gastuetarako laguntzak

Bizikidetzako unitateko adin txikikoek teknikoki garrantzitsu eta beren garapen pertsonal eta/edo sozialerako beharrezko gisa baloratutako jardueretan parte hartzeagatik gastuei aurre egiteko laguntzak dira.

Baldintza espezifikoak:

Basaurin erroldatuta egotea eskabidea baino 6 hilabete lehenagotik, gutxienez. Salbuespenak:

- a) Adin txikikoak beren ardurapean dituzten familiak.
- b) Emakume haurdunak.
- c) Indarkeria matxistaren biktima diren emakumeak.
- d) Bazterkeria-arrisku larrian daudenak.

Kasu horietan, 3 hilabeteko erroldatzea eskatuko da bakarrik.

Zenbatekoa:

Gehienez, 594 euro, adin txikiko bakoitzeko.

3.3. Beste laguntza batzuk.

3.3.1. Oinarrizko beharrianak.

Elikaduraren, jantzien eta oinarrizko tresnen (batez ere, umeentzako tresnen) beharriaz aurre egiteko laguntzak.

Baldintzak

- Basaurin erroldatuta egotea eskabidea baino 6 hilabete lehenagotik, gutxienez.
Salbuespenak:
 - a) Adin txikikoak beren ardurapean dituzten familiak.
 - b) Emakume haurdunak.
 - c) Indarkeria matxistaren biktima diren emakumeak.
 - d) Bazterkeria-arrisku larrian daudenak.

Kasu horietan, 3 hilabetez erroldatzea eskatuko da bakarrik.

- Behar besteko diru-sarrerarik ez izatea; alegia, urteko baliabideak ez izatea aurreko urteko DSBEaren zenbatekoaren % 75 baino handiagoak. Bizikidetzako unitateko kideen kopurua ere aintzat hartuko da.
- 3.300 eurotik gorako ondarea ez izatea.

Zenbatekoa:

Gehienez ere, 990 euro.

3.3.2. Osasunaren alorreko beharriaz.

Gizarte Segurantzak ordaintzen ez dituen farmazia-gastuak, tratamendu psikopedagogikoak, errehabilitazio-tratamenduak, logopedia, protesiak, betaurrekoak, audifonoak eta dentista-gastuak, horien beharriaz jasotzen duen osasun-txostena aurkeztuta.

Baldintzak

- Basaurin erroldatuta egotea eskabidea baino 6 hilabete lehenagotik, gutxienez.
Salbuespenak:
 - a) Adin txikikoak beren ardurapean dituzten familiak.
 - b) Emakume haurdunak.
 - c) Indarkeria matxistaren biktima diren emakumeak.
 - d) Bazterkeria-arrisku larrian daudenak.

Kasu horietan, 3 hilabetez erroldatzea eskatuko da bakarrik.

- Behar besteko diru-sarrerarik ez izatea; alegia, urteko diru-sarrerak ez izatea DSBEaren zenbatekoa baino bi aldiz handiagoak (oro har, aurreko urteko zenbatekoa aintzat hartuta eta, betiere, bizikidetzako unitateko kideen kopuruaren arabera).
- DSBErako ezarritako ondare-mugaren 1/3 baino handiagoa den ondarea ez izatea (oro har, aurreko urteko zenbatekoa aintzat hartuta eta, betiere, bizikidetzako unitateko kideen kopuruaren arabera).

Zenbatekoa: gehienez ere, 990 euro.

3.3.3. Arreta pertsonalizatuko planerako laguntzak.

Arreta pertsonalizatuko plana betetzeko beharrezko gastuak, udal laguntza hauen aurreko ataletan edo babes sozialeko beste sistema publikoetan aurreikusi ez direnak. Beharrezkoa izango da txosten tekniko batek jasotzea ezinbestekoa dela horretarako laguntzak ematea. <

Baldintzak

- Basaurin erroldatuta egotea eskabidea baino 6 hilabete lehenagotik, gutxienez.
Salbuespenak:
 - a) Adin txikikoak beren ardurapean dituzten familiak.
 - b) Emakume haurdunak.
 - c) Indarkeria matxistaren biktima diren emakumeak.

d) Bazterkeria-arrisku larrian daudenak.

Kasu horietan, 3 hilabeteko errolatzea eskatuko da bakarrik.

- Behar besteko diru-sarrerarik ez izatea; alegia, urteko diru-sarrerak ez izatea DSBEaren zenbatekoa baino handiagoak (oro har, aurreko urteko zenbatekoa aintzat hartuta eta, betiere, bizikidetzako unitateko kideen kopuruaren arabera).
- 3.300 eurotik gorako ondarrerik ez izatea.

Zenbatekoa

Gehienez ere, 990 euro.

3.3.4 Bizirauteko oinarrizko premiak.

Emakumeen aurkako indarkeria matxistaren biktimen biziraupeneko oinarrizko premiei berehala aurre egiteko beharrezkoak diren gastuak, eskubidez jaso ditzaketen gainerako prestazio ekonomikoak ematea izapidetzen den bitartean.

Betekizunak:

- Basauriko udalerrian errolatuta egotea.
- Indarkeria matxistaren biktima izatea eta eskubidez jaso ditzakeen beste prestazio ekonomiko batzuk izapidetzen egotea.

Zenbatekoa:

Gehienez: 2.640 euro.

4. artikulua. Irizpideak.

Bizikidetzaren unitaterako gizarte-izaerako laguntza bat eman ahalko da urtean.

Salbuespenez, laguntza eman den urte berean beharizan berri bat sortuz gero, kasua daraman gizarte-langileak bigarren laguntza bat emateko proposamena jaso beharko du txosten batean, eta arduradun teknikoak oniritzia eman beharko dio txosten horri.

Urte berean, salbuespenez, laguntza bi ematen badira, urteko gehieneko zenbatekoa 4.070 euro izango da. Eskatutako laguntzetako bat ostatu-laguntza bada, urteko gehieneko zenbatekoa 5.500 euro izango da.

5. artikulua. Diru-sarrerak eta ondarea zehaztea.

Baliabideak konputatzeko eta diru-sarrerak eta ondarea zehazteko, deialdi honetan aurreikusi gabeko kontuetarako, 14/2022 Legeak, abenduaren 22koa, Inklusiorako eta Diru-sarrerak Bermatzeko Euskal Sistemarena ezarritakora joko da.

6. artikulua. Eskabideak aurkezteko epea.

Eskabideak aurkezteko epea zabalik egongo da deialdi hau argitaratzen denetik 2026ko abenduaren 1a arte. Salbuespenez, ostean aurkeztutako eskabideak ere izapidetuko dira, baldin eta gizarte-langileak beharizan egoera abenduaren 1a eta gero detektatu badu, eta beharizan larria dagoela justifikatzen badu.

7. artikulua. Finantziarioa.

Aldizkakoak ez diren 2026ko udal laguntzak 50.000,00 euroko aurrekontu-kreditu baten kontura finantzatu dira, zeina partida honetan jasota baitago: 041.2314.48099, «Transferentzia arruntak familiei. Gizarte-izaerako laguntzak».

Aipatutako udal laguntzak emango dira aurrekontu-kreditua agortu arte.

8. artikulua. Eskabideak.

8.1. artikulua. Eskabideak aurkeztea.

Gizarte-izaerako laguntzetarako eskabideak Basauriko Udalaren Oinarrizko Gizarte Zerbitzuetan egin eta aurkeztuko dira.

Eskatzaileak, behar bezala betetako eskabideaz gain, honako hauek ere aurkeztu beharko ditu:

- a) Bere NANaren fotokopia, eta, behar izanez gero, bizikidetzako unitateko gainerako kideena.
- b) Familia-liburuaren fotokopia eta/edo, hala badagokio, zaintza edo tutoretza egiaztatzen duten dokumentuak.
- c) Banantze-epaia eta hitzarmen arauemailea. Eta, edukiz gero, epaitik eta/edo hitzarmenetik ondorioztatutako konpromiso ekonomikoen azken ordainketaren fotokopia.
- d) Etxebizitzaren errentamendu-kontratua, ohiko bizilekuaren ostatu-gastuetarako laguntzen kasuan.
- e) Lan-kontratua eta azken 3 nominak.
- f) Lan-eskatzaile ziurtagiria.
- g) Jaioterriko ondasunen ziurtagiria, edo berau eskatu izanari buruzko zinpeko aitortpena.
- h) Udal laguntza helbideratzeko, eta, hala badagokio, endosua egiteko banku-agiria.
- i) Banku-saldoak.
- j) Laguntzaren xede diren fakturak edo gastu-aurrekontuak.
- k) Eskatzailearen ondasun higigarrien eta higiezinaren ziurtagiriak, eta, hala badagokio, bizikidetzako unitateko kide guztienak (foru- eta estatu-mailakoak).
- l) Bizikidetzako unitateko kide guztien diru-sarreraren ziurtagiriak: nominak, pentsioak, prestazioak, subsidioak eta edozein motatako diru-sarreraren egiaztagiria.
- m) Azken errenta-aitorpenaren kopia, edo, hala badagokio, berau egin behar ez izateari buruzko ziurtagiria, Ogasunak emandakoa.
- n) Gizarte-langile arduradunak beharizan-egoera egiaztatze eskatutako beste edozein dokumentu.
- o) Bizikidetzako unitateko kide guztien baimena, administrazio-prozedurei lotutako datuak kontsultatu edo egiaztatu ahal izateko. Honako hauek izango dira egiaztatuko direnak:
 - Nortasun-datuak
 - Erroldatze egiaztagiria
 - Udal edo udalaz gaindiko laguntzen zenbatekoak (ELE)
 - Gizarte Segurantzako prestazioen zenbatekoak
 - Langabezia-prestazioaren zenbatekoak
 - Lan-bizitzaren ziurtagiria
 - Ondasun higieziinei buruzko Katastroaren ziurtagiria
 - Prestazioak jasotzeari buruzko ziurtagiria eta horien zenbatekoa (DSBEa-ELO).

Salbuespenez, udal laguntza izapidetu ahal da jaioterriko ondasunen ziurtagiria jaso gabe, baldin eta jasotzailea beharizan larrian badago, ziurtagiri hori eskatu izanari buruzko zinpeko aitortpena egiten badu eta agiria bi hilabeteko epean aurkezteko konpromisoa hartzen badu.

Jaioterriko ondasunen ziurtagiria aurkeztean ikusten bada interesdunari ez zegokiola laguntza, jasotakoa bueltatzeko prozesua hasiko da.

8.2 artikulua. Azkartasun eta administrazio-ekonomia printzipioak.

Herritarrek eskubidea dute administrazioek dagoeneko badituzten datu eta dokumentuak ez aurkezteko. Horren harira, Basauriko Udalak beharrezko neurriak hartuko ditu eskubide hori babesteko, azkartasun eta administrazio-ekonomia printzipioak betetzeko eta administrazioen arteko lankidetzaren eta koordinazio betebeharra betetzeko.

Horrela, bada, Basauriko Udalak aurkeztutako dokumentazioa osatuko du, honako dokumentu hauekin:

- Bizikidetzaz-ziurtagiria, behar izanez gero.
- Errolda-ziurtagiria eta ibilgailuena.
- Gizarte Zerbitzuen txosten teknikoa, non preskripzio teknikoa jasoko baita.

9. artikulua. Izaera pertsonaleko datuak babestea.

Basauriko Udalaren Gizarte Zerbitzuek onuradunen aitorenak egiaztatu ahalko dituzte, eta beharrezkoak diren datu eta txostenak eskatu ahalko dizkiete beste erakunde edo entitate publiko eta pribatuei, interesdunak horretarako baimena ematen badu.

Zehazkiago, baliabide elektronikoak erabiliko dira informazio hori lortzeko, baldin eta, izaera pertsonaleko datuen kasuan, interesdunek baimena ematen badute, honako araudi hauek ezarritako baldintzetan: izaera pertsonaleko datuen tratamenduari buruzko 3/2018 Legea; eta Europako Parlamentuaren eta 2016ko apirilaren 27ko Kontseiluaren 2016/679 Erregelamendua, pertsona fisikoen datu pertsonalen tratamendua eta datu horien zirkulazio askea babesteari buruzkoa. Baimen hori elektronikoki eman eta jaso ahalko da.

10. artikulua. Emateko, ebazteko, jakinarazteko eta jarraipena egiteko prozedura.

Laguntza hauek zuzenean ematen dira, deialdi honetan ezarritako baldintzak betetzen direla egiaztatu ostean, eta, betiere, Dirulaguntzen azaroaren 17ko 38/2003 Lege Orokorraren 22.2 c) artikuluan aurreikusitakoa beteta (lege horretako 28. artikuluan 2. eta 3. ataletan xedatutakoarekin bat), non jasotzen den interes publiko, sozial, ekonomiko edo humanitarioko arrazoiak tarteko egonez gero, zuzenean emateko aukera egongo dela.

Espedientea alkatetza dekretu bidez ebazteko da.

Ebazteko gehieneko epea bi hilabetekoa izango da, eskabidea aurkezteko datuen biharamunetik zenbatzen hasita. Epe hori igarota ebazpen espresurik eman ez bada, joko da laguntza-eskaera ez dela onartu, Administrazio Publikoaren Administrazio Prozedura Erkidearen urriaren 1eko 30/2015 Legearen 24.1 artikuluan xedatutakoarekin bat.

Udalak laguntza eman edo eskabidea ez onartzei buruzko ebazpena jakinaraziko dio eskatzaileari, egintzaren datatik 10 eguneko epean.

Basauriko Udaleko Gizarte Zerbitzuek laguntza hauen onuradunen jarraipena egingo dute, egiaztatze emandakoa aurreikusitako xedearako erabiltzen ari direla eta beharrezko eragin zuen egoerak bere horretan jarraitzen duela.

Laguntza dagokion xederako erabiltzen dela bermatzeko, kasu batzuetan, eta onuradunak aurretiaz bere adostasuna emanez gero, zenbatekoa zuzenean eman ahalko zaie zerbitzua ematen duten hirugarrenei, edo, hala badagokio, Basauriko Udalaren Gizarte Zerbitzuekin lankidetzan diharduten hirugarren sektoreko entitateei.

Laguntza ordainketa bakarrean edo batean baino gehiagotan egin ahalko da.

11. artikulua. Justifikazioa.

Laguntzak justifikatzeko, berauen xede diren kontzeptuei buruzko ordainagiri eta/edo fakturak aurkeztu beharko dira. Salbuespenez, elikadura-gastuak ez dira justifikatu beharko.

2027ko urtarrilaren 31 izango da justifikazioa aurkezteko azken eguna.

2026ko azken hiruhilekoan emandako laguntzen kasuan, adierazitako epea 2 hilabetez luzatu ahalko da, baldin eta inguruabar bereziak suertatzen badira eta dagokion gizarte-langileak txostena egiten badu, adieraziz zein den ezarritako epean ez justifikatzeko arrazoia.

Laguntza justifikatu ezean, emandako zenbatekoa itzuli beharko da (elikadura-gastuen kasuan izan ezik), kobratu behar ez zena bueltan jasotzeko prozesu baten bitartez.

12. artikulua. Aplikatu beharreko araubide juridikoa.

Aldizkakoak ez diren udal laguntzak honako hauek araututa egongo dira: Basauriko Udalaren Dirulaguntzen Ordenantza Orokorra; Deialdi hau; Gizarte Zerbitzuei buruzko abenduaren 5eko 12/2008 Legea; 14/2022 Legea, abenduaren 22koa, Inklusiorako eta Diru-sarrerak Bermatzeko Euskal Sistemarena; diru-laguntzen azaroaren 17ko 38/2003 Lege Orokorra eta bere Erregelamendua (uztailaren 21eko 887/2006 Errege Dekretuz onartutakoa), publizitate eta konkurrentzia printzipioei dagokienean izan ezik; 3/2018 Legea, datu pertsonalak babestekoa eta eskubide digitalak bermatzekoa; eta Europako Parlamentuaren eta 2016ko apirilaren 27ko Kontseiluaren 2016/679 Erregelamendua, pertsona fisikoen datu pertsonalen tratamendua eta datu horien zirkulazio librea babesteari buruzkoa.

13. artikulua. Emandako laguntzen publizitatea.

Ez da egingo emandako laguntzei buruzko ebazpenen publizitaterik, onuradunen ohorea eta intimitate pertsonal zein familiarra babestearen aurkakoa delako. Izan ere, ohorerako, intimitate pertsonal eta familiarrerako eta norberaren irudirako eskubideak babes zibila jasotzen dute, Dirulaguntzen azaroaren 17ko 38/2003 Lege Orokorren 20.8 c) artikuluaaren arabera.

